

# **ESTATUTOS DA ASOCIACIÓN CULTURAL, RECREATIVA E DEPORTIVA “GRUPO BAZÁN”**

## **ADAPTACIÓN A LEY 3/2012 DEL DEPORTE DE GALICIA**

### **CAPÍTULO I DA ASOCIACIÓN EN XERAL**

**Artigo 1º.-** Procédese a adapta-los Estatutos da Asociación denominada **ASOCIACIÓN CULTURAL, RECREATIVA Y DEPORTIVA “GRUPO BAZÁN”** inscrita co número 528 na Sección Primeira de Rexistro Provincial de Asociacións, con nº 2808 de inscrición no Rexistro de Clubs e Federacións e Entidades Deportivas da Xunta de Galicia e C.I.F. G-15277957.

A Asociación rexerese polos presentes Estatutos, pola lei 3/2012, do 2 de abril (DOG. Núm. 71 de 13.04.2012) do Deporte de Galicia.

**Artigo 2º.-** Son fins principais da Asociación favorecer e fomentar a práctica de actividades físicas, deportivas, recreativas e culturais dos seus asociados, sen ánimo de lucro.

Para tal fin funcionarán as seccións deportivas e culturais correspondentes, sen prexuízo de que a Asemblea Xeral poida acordar a creación de outras.

**Artigo 3º.-** Para levar a cabo os seus fins, a Asociación organizará as actividades deportivas de Kárate, Judo, Tenis, Xadrez, Actividades Subacuáticas e Vela, e solicitará a ratificación dos Estatutos e a inscrición no Rexistro de Asociacións Deportivas e Deportistas de Galicia, de conformidade coa Lei Xeral do Deporte de Galicia.

Así mesmo, para recreo e fomento da cultura entre os seus asociados, tamén se realizarán actividades de Fotografía, Teatro, e aquelas outras aprobadas pola Asemblea Xeral. Tamén poderá organizar conferencias, sesións de traballo, cursiños divulgativos, proxeccións, concursos e actos semellantes, someténdose en cada caso ó que dispoña a lexislación vixente.

Como Asociación sen ánimo de lucro destinarase ós devanditos fins polo menos o setenta por cento das rendas netas e outros ingresos que se obteñan por

calquera concepto exceptuándose as aportacións efectuadas en concepto de dotación patrimonial.

**Artigo 4º.-** O domicilio principal e permanente da Asociación radicará na localidade de **Ferrol, rúa República Argentina, nº 15 C.P. 15404; teléfono 981 32 24 41; correo electrónico grupobazan@grupobazan.com.**

**Artigo 5º.-** A Asociación en funcións dos seus fins e da localización do seu domicilio social, exercerá fundamentalmente as súas actividades no ámbito territorial da **Comunidade Autónoma de Galicia.**

**Artigo 6º.-** A duración desta Asociación é de carácter indefinido e só se disolverá, conforme a estes Estatutos, pola vontade dos asociados expresada en Asemblea Xeral extraordinaria ou polas causas previstas na lexislación vixente.

A Asociación rexerese segundo os principios democráticos contidos no marco da Constitución e o resto do ordenamento xurídico.

## **CAPÍTULO II** **DOS SOCIOS**

**Artigo 7º.-** Poderán ser integrantes da Asociación tódalas aquelas persoas físicas maiores de idade ou xurídicas, con plena capacidade de obrar que o soliciten á Xunta Directiva.

O número de socios será ilimitado. A Asemblea Xeral poderá suspender, no obstante, a admisión de novos socios cando así o esixan razóns de aforo ou capacidade física das instalacións.

A condición de socio da Asociación implicará a aceptación e obrigatoriedade da observancia de estes Estatutos e de cantos acordos, en materia de goberno, administración ou actividades, adopten os seus órganos rectores.

**Artigo 8º.-** Dentro da Asociación poderán existilas seguintes clases de asociados:

- a) Fundadores, aquelas persoas que subscribiron a Acta Fundacional.
- b) Numerarios, aquelas persoas maiores de idade que ingresaron con posterioridade á subscrición da acta fundacional e abonen as cotas establecidas pola Asemblea Xeral.

- c) Honorarios, aquelas persoas que, a xuízo da Asemblea Xeral, axuden de xeito notable ó desenvolvemento dos fins da asociación.
- d) Aspirantes, aquelas persoas menores de 18 anos que formen parte da Asociación e abonen as cotas establecidas pola Asemblea Xeral; pasarán automaticamente a ser socios numerarios ó cumpriren a maioría de idade.
- e) Familiares, aquelas persoas que dependan economicamente dun socio numerario e convivan con él no mesmo domicilio.

**Artigo 9º.-** Os asociados numerarios teñen os seguintes dereitos:

1. Tomar parte nas Asembleas con voz e voto.
2. Poder elixir e ser elixidos para cargos directivos.
3. Tomar parte en cantas actividades organice a Asociación en cumprimento dos seus fins.
4. Utiliza-los servicios da Asociación nas mesmas condicións de igualdade.
5. Disfrutar de tódalas vantaxes e beneficios que a Asociación poda obter.
6. Ter copia destes Estatutos.
7. Ser informados sobre a composición da Xunta Directiva.
8. Recibir información sobre os acordos adoptados polos órganos da Asociación.
9. Facer suxerencias ós membros da Xunta Directiva en orde a mellora-lo cumprimento dos fins da Asociación.
10. Que se lle poña de manifesto o estado de contas e ingresos e gastos da Asociación tódolos anos, así como o desenvolvemento da súa actividade.

**Artigo 10º.-** Son obrigas dos asociados:

1. Prestar cantos servicios determinen os Estatutos, o Regulamento de Réxime Interno e os acordos das Asembleas Xerais.
2. Desempeña-los cargos para os que foron elixidos.
3. Asistir ás Asembleas Xerais.
4. Satisface-las cotas que se establezan.
5. Observar unha boa conducta individual e cívica.
6. Cumpri-los acordos da Asemblea Xeral e o contido dos Estatutos.

**Artigo 11º.-** Os asociados honorarios e infantís e familiares non intervirán na dirección da Asociación nin nos órganos de representación da mesma, pero están facultados para asistir ás Asembleas Xerais con voz, pero sen voto.

**Artigo 12º.-** Os acordos de admisión de asociados tomaraos a Xunta Directiva, unha vez recibida a petición escrita da persoa que desexa ser admitida. No caso de menores de idade e persoas que actúen a través de representante a solicitude deberá ser autorizada polo representante, pai ou titor do solicitante e se acompañará unha acreditación da identidade do solicitante.

**Artigo 13º.-** A condición de asociado pérdese:

1. Por vontade propia.
2. Por falta de pago nas cotas durante tres meses consecutivos previo requirimento de pago, e consecuente resolución da Xunta Directiva.
3. Por realización de accións que prexudiquen gravemente ós intereses da Asociación.
4. Por expediente disciplinario.

**Artigo 14º.-** A expulsión de asociados será acordada pola Xunta Directiva. O acordo de expulsión deberá ser ratificado pola Asemblea Xeral extraordinaria e contra a súa resolución poderase recurrir ante a xurisdicción ordinaria.

Cando a baixa se produza por vontade dun asociado, este deberá realizar unha petición escrita e procederá ó aboamento previo de tódalas cotas que teña pendentes.

**Artigo 15º.-** Os asociados poderán pedir a separación temporal por escrito.

A Xunta Directiva poderá acorda-la separación temporal dun asociado cando se esté tramitando un expediente sancionador, ou concorran causas xustificadas que o aconsellen, tales como o retraso no pago dalgunha cota, ou comportamentos que afecten a boa marcha dalgún dos fins da Asociación. O expediente sancionador recollerase no Regulamento de réxime interno, pero en todo caso a Resolución poderase recorrer perante a xurisdicción ordinaria.

### **CAPÍTULO III**

## **DOS ÓRGANOS DA ASOCIACIÓN**

**Artigo 16º.-** A dirección e administración da Asociación serán exercidas polo Presidente, a Xunta Directiva e a Asemblea Xeral.

**Artigo 17º.-** O Presidente da Asociación asume a representación legal da mesma e executará os acordos adoptados pola Xunta Directiva e a Asemblea Xeral, presidindo as sesións que celebre unha e outra.

O Presidente será designado pola Asemblea Xeral de socios.

**Artigo 18º.-** Os membros da Xunta Directiva serán designados e revocados libremente polo presidente, debendo dar conta diso na primeira Asemblea Xeral que se celebre. Da mesma formará parte un secretario e un tesorero.

**Artigo 19º.-** Os cargos que compoñen a Xunta Directiva serán gratuítos, sen prexuízo do dereito a ser reembolsados dos gastos debidamente xustificadas, e deberán carecer de interese económico nos resultados da actividade por si mesmos ou por persoa interposta.

Os cargo de presidente elixiranse pola Asemblea Xeral e durarán un período de 4 anos, aínda que poden ser obxecto de reelección indefinidamente.

**Artigo 20º.-** É función da Xunta Directiva programar e dirixi-las actividades asociativas e levar a xestión administrativa e económica da Asociación, someter á aprobación da Asemblea Xeral o orzamento anual de ingresos e gastos, así como o estado de contas do ano anterior.

Así mesmo procederá a convocar e fixa-la data da Asemblea Xeral, fixa-las cotas ordinarias e extraordinarias que se aproben, designa-las Comisións de traballo ou seccións que se estimen oportunas para o bo funcionamento da Asociación, dictar normas interiores de organización e exercer cantas funcións non estean expresamente asignadas á Asemblea Xeral. Corresponderalle tamén todas aquelas outras actividades que lle sexan transferidas pola Asemblea.

**Artigo 21º.-** A Xunta Directiva celebrará as súas sesións cantas veces o determine o Presidente ou o Vicepresidente, a iniciativa propia ou a petición de calquera dos seus compoñentes. Será presidida polo Presidente e, na súa

ausencia, polo Vicepresidente ou o Secretario, por esta orde, e, a falta de ambos, polo membro da Xunta que teña mais idade.

Para que os acordos da Xunta Directiva sexan válidos deberán ser adoptados pola maioría de votos dos asistentes, sendo necesaria a concorrencia, polo menos, de seis dos seus membros. No caso de empate decidirá o voto do Presidente.

O Secretario ou, no seu defecto, o Vicepresidente levantará acta das sesións, que se transcribirá ó libro de actas.

**Artigo 22º.-** Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar das mesmas as informacións necesarias. Formarán parte, ademais, das ditas comisións o número de vocais que acorde a Xunta Directiva, a proposta dos seus respectivos presidentes.

Cando as necesidades o aconsellen, a Xunta Directiva poderá acordar que as comisións se desdobren en subcomisións.

**Artigo 23º.-** A Asemblea Xeral de asociados é o órgano de expresión da vontade da Asociación e estará formada por tódolos integrantes da mesma. O Presidente e o Secretario da Asemblea serán os mesmos que os da Xunta Directiva.

**Artigo 24º.-** A Asemblea Xeral reunirse con carácter ordinario como mínimo unha vez ó ano, e con carácter extraordinario cantas veces o acorde a Xunta Directiva, ou o soliciten o 10% dos socios. Neste último caso realizarse por medio de escrito dirixido ó Presidente, autorizado coas firmas dos solicitantes, no que se expoña o motivo da convocatoria e a orde do día.

**Artigo 25º.-** A Asemblea Xeral ordinaria reunirse necesariamente dentro dos seis primeiros meses de cada ano. Tanto a Asemblea ordinaria como a extraordinaria serán convocadas con 15 días de antelación polo presidente da Xunta Directiva. A notificación farase nos locais da Asociación e mediante a inserción dun anuncio na prensa local.

**Artigo 26º.-** Serán competencias da Asemblea Xeral ordinaria:

1. Aproba-la acta da reunión anterior.
2. Aproba-lo plan de actividades.
3. Examinar e aproba-la memoria de actividades.

4. Examinar e aproba-las contas e balances do exercicio anterior.
5. Aproba-los presupostos de ingresos e gastos para cada exercicio.
6. Exame e aprobación das cotas.

**Artigo 27º.-** Serán competencias da Asemblea Xeral extraordinaria:

1. Modifica-los Estatutos da Asociación.
2. Elixi-los integrantes da Xunta Directiva.
3. Aproba-la federación con outras Asociacións.
4. Autoriza-lo alleamento, gravame ou hipoteca de bens sociais.
5. Acorda-la disolución da Asociación.
6. Designa-los liquidadores.
7. Ratifica-la expulsión de asociados a proposta da Xunta Directiva.
8. Solicita-la declaración de utilidade pública da Asociación.
9. Aproba-lo regulamento de réxime interno da Asociación.
10. As que sendo de competencia da asemblea ordinaria, por razóns de urxencia ou necesidade, non poidan espera-la súa convocatoria, sen grave prexuízo para a Asociación.
11. Tódalas non conferidas expresamente á Asemblea Xeral ordinaria ou a Xunta Directiva.

**Artigo 28º.-** Para que as asembleas poidan tomar acordos, integraranse polos asociados asistentes, sempre que concorran a metade mais un do total na primeira convocatoria ou transcorrida media hora en segunda convocatoria, con calquera número de asistentes.

**Artigo 29º.-** Os acordos adoptados deberán selo polo voto afirmativo da maioría simple dos asistentes ou representados, excepto os relativos os apartados 1 ó 7 do artigo 27, que requirirán maioría de dous tercios. A continuación levaranse os acordos ó libro de Actas e asignara o Presidente, o secretario da Asemblea. A acta deberá ser lida na seguinte sesión celebrada pola Asemblea Xeral e aprobada por maioría.

**Artigo 30º.-** Os acordos adoptados conforme os preceptos anteriores obrigarán a tódolos asociados, incluso ós non asistentes.

As sesións se abrirán cando así o determine o Presidente. Seguidamente se procederá por parte do Secretario á lectura da acta da Asemblea anterior que deberá ser aprobada.

Posteriormente o Secretario procederá a plantexa-la orde do día. Cada punto será informado polo membro da Xunta directiva que lle corresponda, procedéndose a aprobación nos termos contidos nestes Estatutos, segundo a materia de que se trate.

Unha vez rematados tódolos asuntos da orde do día se procederá, se a presidencia o considera oportuno ou o solicitan un 10% dos asociados inscritos no libro de membros, a facer unha quenda de rogos e preguntas e adopción de acordos, á súa conclusión se levantará a sesión por parte do Presidente.

**Artigo 31º.-** Os acordos que vaian contra estes Estatutos ou infrinxan os fins da Asociación poderán ser recorridos en reposición perante a Asemblea Xeral. A partir da resolución do recurso de reposición, quedará expedita a vía para recorrer perante a xurisdicción ordinaria.

**Artigo 32º.-** O Presidente da Xunta Directiva terá, ademais das facultades consignadas no artigo 17º, as seguintes atribucións:

- a) Presidir e levanta-las sesións que celebre a Xunta Directiva e a Asemblea Xeral, dirixi-las deliberacións dunha e outra, decidindo con voto de calidade, en caso de empate.
- b) Propoñe-lo plan de actividades da asociación á Xunta Directiva, impulsando e dirixindo as súas tarefas.
- c) Ordena-los pagamentos acordados validamente.
- d) Representa-la Asociación perante calquera organismo público ou privado.
- e) Firma-las actas, certificados, pagos e outros documentos da Asociación xunto co Secretario ou membro da Xunta Directiva a quen lle corresponda a elaboración do documento de que se trate.

O Presidente será asistido nas súas funcións por un Vicepresidente, que, ademais, substituiralle nos casos de vacante, ausencia ou enfermidade.

**Artigo 33º.-** O Secretario recibirá e tramitará as solicitudes de ingreso, levará o ficheiro e o libro rexistro de asociados e terá ó seu cargo a dirección dos traballos administrativos da Entidade. Correspóndelle así mesmo notifica-las convocatorias e custodia-las actas e expedir certificacións das mesmas co visto e prace do Presidente.

Ó Secretario correspóndelle tamén levar o inventario dos bens da asociación nun libro establecido ó efecto.



**Artigo 34º.-** O Tesoureiro recadará e custodiará os fondos pertencentes á Asociación, dará cumprimento ás ordes de pagamento que expida o Presidente, dirixirá a contabilidade da Asociación, tomará razón e levará conta dos ingresos e dos gastos asociativos e participará en tódalas operacións de orde económico.

O Tesoureiro ten a obriga de proceder ó peche do exercicio orzamentario a día 31 de decembro. As contas estarán a disposición dos membros da Asociación quince días antes da celebración da Asemblea Ordinaria.

**Artigo 35º.-** Os Vocais no número que determine a Asemblea Xeral terán as seguintes atribucións:

1. Realizar programas e propostas na súa área de actuación.
2. Desempeña-los traballos que lle sexan encomendados pola Xunta Directiva.

## **CAPÍTULO IV** **RÉXIME ECONÓMICO**

**Artigo 36º.-** A Asociación no momento da adaptación destes Estatutos dispón dun patrimonio de 110.000 euros. O peche do exercicio económico coincidirá co do ano natural.

**Artigo 37º.-** A Asociación funcionará en réxime de presuposto anual. O borrador de presuposto será elaborado polo Tesoureiro da Asociación, que deberá telo preparado antes do un de xaneiro de cada ano, a fin de que poda ser aprobado na Asemblea Xeral Ordinaria.

**Artigo 38º.-** A Asociación manterase dos seguintes recursos:

1. As cotas periódicas dos asociados.
2. As cotas extraordinarias que propoña a Xunta Directiva e sexan aprobadas pola Asemblea.
3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da asociación.
5. Calquera outro ingreso admitido pola normativa vixente para actividades non lucrativas.

**Artigo 39°.-** As cotas ordinarias acórdanse pola Asemblea Xeral ordinaria, a proposta da Xunta Directiva non sendo reintegrables en caso algún e adicándose a atende-las necesidades da Asociación.

**Artigo 40°.-** Anualmente con referencia ó ultimo día do exercicio económico de cada ano, elaboraranse as contas, que se formalizarán nunha memoria, que será posta a disposición dos asociados, durante un prazo non inferior a 15 días ó sinalado para a celebración da Asemblea Xeral ordinaria, que deberá aprobalo ou censuralo.

**Artigo 41°.-** Anualmente no tempo que establece o artigo 25 será aprobado o orzamento pola Asemblea Xeral ordinaria.

**Artigo 42°.-** Para a disposición de fondos das entidades bancarias onde a Asociación teña depositados os mesmos, terán recoñecidas as sinaturas na entidade bancaria correspondente o Presidente e o Tesoureiro, para a utilización conxunta deles.

**Artigo 43°.-** Como entidade sen ánimo de lucro, en ningún caso poderán ser distribuídos entre os asociados os recursos obtidos pola Asociación.

## **CAPÍTULO V** **DO REGULAMENTO DE RÉXIME INTERNO**

**Artigo 44°.-** O Regulamento de réxime interno, no seu caso, desenvolverá aquelas materias non contempladas directamente nos presentes Estatutos, non podendo ir en ningún caso en contra do estipulado nos mesmos. En todo caso o funcionamento interno da Asociación estará sometido ó regulamento disciplinario disposto no título VII da lei 3/2012, do Deporte de Galicia, e a súa normativa de desenvolvemento.

## **CAPÍTULO VI** **MODIFICACIÓN DE ESTATUTOS E DISOLUCIÓN DA** **ASOCIACIÓN**

**Artigo 45°.-** Os presentes Estatutos poderán ser modificados a proposta da Xunta Directiva ou  $\frac{1}{4}$  dos socios. A convocatoria da Asemblea Xeral extraordinaria estará acompañada do texto coas modificacións propostas,

abríndose un prazo de 7 días para calquera socio poida dirixir á Secretaria as propostas e enmendadas que estime oportunas. Estas complementarán a documentación da citada Asemblea e serán entregadas cunha antelación mínima de 3 días á realización da mesma.

**Artigo 46°.-** Para ser aprobada a reforma dos Estatutos será necesario o voto favorable dos 2/3 dos membros da Asemblea Xeral de socios.

**Artigo 47°.-** A Asociación disolverase polas seguintes causas:

1. Pola vontade dos asociados acordada polas 2/3 partes dos mesmos.
2. Por outras causas determinadas legalmente en todo caso haberá de ser notificado ó Rexistro de Entidades Deportivas.
3. Por sentenza xudicial.

**Artigo 48°.-** Acordada a disolución, a Asemblea Xeral extraordinaria designará tres asociados liquidadores, que xunto o Presidente e o Tesoureiro, procederán a efectuar a liquidación dos bens, pagando débedas, cobrando créditos e fixando o haber líquido resultante.

**Artigo 49°.-** O haber resultante unha vez efectuada a liquidación, doarase a outra Asociación non lucrativa ou benéfica inscrita na Comunidade Autónoma que teña os mesmos ou similares fins ós desta Asociación. Da cordo previo da Asemblea Xeral ou Subsidiariamente polo órgano competente en materia de deporte da Xunta de Galicia.

O xustificante da doazón será presentado no Rexistro de Asociacións correspondente para proceder á inscrición da disolución da Asociación.